

DORVODÁIDDUT JA MÁNÁ GORUT

DIEHTU, DÁIDU JA JURDDAŠANVUOHKI



NAMAT
OLBMGORUDA
SIERRA OSIIDE

MAID MÁNNÁ GALGÁ DIEHTIT

Muital mánnái olbmogoruda buot sierra osiin.

Oahpat mánnái sániid, maiguin goruda sierra osiid gohčodit.

Oahpásnuva ovttas mánáin sierra vugiiguin olbmogorudii: geahčči govaid, sárgu ja duhkoraddi.

MAID MÁNNÁ GALGÁ MÁHTTIT

Mánná diehtá, ahte goruda buot osiin oažžu hállat ollesolbmuiguin ja eará mánáiguin.

Mánná máhttá hállat iežas gorudisttis.

Mánná máhttá geavahit heivvolaš ja dohkkehahtti namahusaid goruda osiin.

MAID MÁNNÁ JURDDAŠA GORUDISTTIS

Olbmogoruda buot oasis leat seamma buorit.

Lea dehálaš atnit árvvus ja dikšut iežas goruda.

Buotlágan gorudat leat seamma buorit.

Lea buorre, ahte leat mánggalágan gorudat.



VUJADAN-
BIVTTAS-
NJUOLGGADUS

MAID MÁNNÁ GALGÁ DIEHTIT

Muital mánnái, ahte goruda oasis, mat leat vuojudanbiktasa vuolde, leat máná iežas opmodat. Mánná oažžu ieš mearridit dain.

Giige ii oaččo guoskahallat dahje hállat máná lobi haga gorutosiin, mat leat vuojudanbiktasa vuolde.

Oahpásnuvvi ovttas mánáin sierra vugiiguin vuojudanbivttasnjuolggadussii: geahčči govaid, sárgu ja duhkoraddi.

MAID MÁNNÁ GALGÁ MÁHTTIT

Mánná dovda goruda priváhta osiid, maid ii dárbbas čájehit geasage, jus ii hálit.

Mánná diehtá, ahte nubbi sáhttá geahččat dahje dutkat goruda osiid, mat leat vuojudanbiktasa vuolde dušše, juos dat lea vuogas goabbáige.

Mánná dovda vuojudanbivttasnjuolggadusa ja máhttá dadjat ii, juos gii nu rihkku njuolggadusa.

MAID MÁNNÁ JURDDAŠA GORUDISTTIS

Gorudis leat earenoamáš, priváhta ja divrras báikkít.

Daid galgá ja oažžu suddjet.

Daid eai láve čájáhallat buohkaide, vaikko dat leatge buorit ja divrasat.



GUOSKKA-
HALLAMA
NJUOLGGADUS

MAID MÁNNÁ GALGÁ DIEHTIT

Muital mánnái, makkár sierra vugiiguin nuppi olbmo sáhttá guoskkahallat.

Nuppi olbmo oažžu guoskkahallat dušše, juos dat leat nuppi olbmo mielas vuogas ja son diktá dan dahkat.

Guoskkahallan ii oaččo leat váivi, iige das oaččo šaddat bahčamiella.

Juohkehaš ieš diehtá buoremusat, mo guoskkahallan orru ja háliidago dan.

Buorre guoskkahallan ii leat suollemas.

Buorre guoskkahallamis šaddá buorre ja dorvvolaš dovdu.

Bahás guoskkahallan bávččada, baldá dahje suhttada.

MAID MÁNNÁ GALGÁ MÁHTTIT

Mánná máhttá jearrat lobi ovdal go guoskkahallá nuppi, ovdamearkan cummesta dahje guoská priváhta báikkiide.

Mánná máhttá earuhit sierralágan guoskkahallama ja dan, ahte dat dovdojit eará láhkai.

Mánná máhttá earuhit iežas dovdduidis.

Mánná máhttá dadjat ii, juos son ii hálit guoskkahallama.

Mánná jáhká, juos nubbi mánná gieldá guoskkahallama.


MAID MÁNNÁ JURDDAŠA GORUDISTTIS

Mánná oažžu ieš mearridit das, gii oažžu guoskkahallat su goruda.

Nuppi olbmo goruda galgá álot gudnejahtit.

Juohkehaččas lea vuoigatvuohta mearridit ieš iežas gorudis, ja dan galgá gudnejahtit.

Giige ii oaččo hállat romet nuppi olbmo gorudis, dasgo dat sáhttá loavkašuttit ja buktit bahča miela.



GOLMMA
CEAHKI
NJUOLGGADUS

MAID MÁNNÁ GALGÁ DIEHTIT

Oahpat mánnái golmma ceahki njuolggadusa.

Juos muhtin dáhpáhus dahje guoskkahus orru váivi:

1. Daja II.
2. Vuolgge eret.
3. Muital áššis oahpes ja dorvvolaš ollesolbmui.

MAID MÁNNÁ GALGÁ MÁHTTIT

Mánná máhttá doaibmat rivttes láhkái, juos dáhpáhus lea balddihahtti dahje orru váivi.

Mánná máhttá earuhit unohas guoskkahusa ja biehttalit das, juos dat orru váivi.

Mánná máhttá ohcat veahki.

MAID MÁNNÁ JURDDAŠA GORUDISTTIS

Mánná oažžu bealuštit iežas.

Ollesolbmot veahkehit máná čuovvut golmma ceahki njuolggadusa.

Mánná sáhttá ja sus lea lohpi ohcat veahki ollesolbmuin.

Dorvvolaš ollesolbmui gánniha muitalit, juos guoskkaheapmi lea leamaš unohas.